







kakina kiki memiji kazoitizo Jezos ij anasi paksejiganensing gaie cominabong inabaminagsatinik.

Anin apite ka kijiâtc Jezos Kitcitsa Okanistisinin.

Ningoto kijik ibsa maci nipote.

Sekonen eiogobanen Jezos i kijiâtc Kitcitsa Okanistisinin.

O ki otapinan paksejiganan, o ki aiamitakan, gaie o ki minan o napotima ij inate: *otapinamok gaie midjik kakina endatcieg, mi ma oom ni ias.* Mi dac ij otapinamogobanen miniksagan ij atenik cominabo, aiamitsatamogoban, minagoban gaie o napotima ij inate: *otapinamok miniksatomok gaie, mi ma oom ni misksi; totamokeg iim kitci mikasenimieg.*

Sekonen sendji inagobanen Jezos o napotima: Totamokeg iim kitci mikasenimieg?

Ij ikitote Jezos: *totamokeg iim kitci mikasenimieg, mi ij anonagobanen o napotima gaie dac aianikate.* Mekatesikonaienidji kitci anamensikenite.

Anin enenindamogobanen Jezos apite kajiate Okanistisinin?

Inenindamogoban: ninga sitikemak eiamiadjik, ningat acamak ij oteitcagocisate ni ias gaie ni misksi. Inenindamogoban gaie: kakik kata ocki ino ij anamensikanisang nongom ket ingi tcipaiatikong isi nisigoiân.

Anin endotamogobanen Jezos apite sa nisinte tcipaiatikong?

O ki pakitinamasan Kije Maniton Seiosimimin-djin si ias gaie o misksi i si kijikamasanisate kakina anicinabe o patatosinini.

Anin endotang Jezos apite enamensikanisangin?

Mi pejiksaan endite; mi oom eta nsandesek: kasin nanekateiasi Jezos enamensikanisangin, ka gaie sakisksakisisi si iasing endogobanen teipaia-tikong.

Ij anamensiketc Mekatesikonaietc, anin gsetc apite paksejiganensing maieckotosenik Jezos si ias?

Apite eiamitasate Mekatesikonaietc paksejiganensan, mi iim apite maieckotosenik Jezos siias paksejiganensing.

Anin apite eiamitasate Mekatesikonaietc paksejiganensan?

Mi iim apite caie nongom kitei iepinâte Kiteitsa Ostisinin: ibsa maci aiamitasate, paksejiganisiban; acaie dac iki aiamitasate, acaie kasin paksejiganisisi, acaie Jezos si ias meckot ateni.

Paksejiganensing inabaminagosi Kiteitsa Ostisin, kana paksejiganisisi?

Keget anasi paksejiganensing inabaminagosi Kiteitsa Ostisin, enosek kasin paksejiganisisi; acaie ki angodjiganisi paksejigan, acaie meckot Jezos api.

Anin apite kamisksagaming maieckotosenik Jezos o misksi?

Mi iim apite caie nongom kitei iepinang Mekatesikonaietc aiamie miniksagan: ibsa maci aiamitsatang, keiabate kamisksagamisanoban; acaie dac iki aiamitsatang, kasin acaie kamisksagamisansinon, acaie Jezos o misksi meckot ateni aiamie miniksaganing.

Tagonini na gaie Jezos o misksi Kiteitsa Ostisinin?

Keget tagonini Jezos o misksi Kiteitsa Osti-

sining: ket inange pakesinitimagatini si ias gaie o misksi.

Tagonini na gaie Jezos si sias aiamie miniksaganing?

Keget tagonini Jezos si ias aiamie miniksaganing acaie iki aiamitsatek aiamie miniksaganing etek.

I nenasinate Mekatesikonaietc Kiteitsa Ostisinin, o nenasinan na gaie Jezos si ias?

Kasin anasi o nenasinasisan Jezosan, mi eta i nenasinang iim paksejiganensing enabaminagsatinik.

Acaie iki nenasinate Mekatesikonaietc Kiteitsa Ostisinin, eita na api Jezos?

Keget eita api Jezos.

Sekonen sendji tanenimang Jezos Okanistisinin?

Sin ondjita ikitogoban Jezos, ka dac nita kinasi-ckisi, ka gaie keko o psanasitosin.

*Anin apite enenindagosinanisang kitci komini-
nisinanisang?*

Kitinenindagosimin kitci kominisiang tasin tebi-
segin aiapiteipahitizogobanen Jezos; mi ma eji ka-
kanzominang Kiteitsa Ningotsesanakisisin ij ini-
nang: *Ki ga kominis tasin aiapitcipadjin.* Gaie
dac taieb piziskenindang acaie madjiseni kitci komi-
nisite; gaie dac sa ani nipodjik ondjita ineninda-
gosik kitci aiamie nasaponindsa.

Anin endosate ksaminisidjik?

Jezosan o pindikagosan o teising i kije manito-
sinite gaie ij anicinabesinite.

*Anin endassaiagatinik o minasasiisesin Jezos
i minasasiate meno kominisinidjin?*

Nesaiagatini: 1^o Jezos ot acotinan si iasing meno kominisidjin; 2^o o caseniman asacamenj kitci minasasinite ij aiamianite; 3^o o songiteekasan inab kitci mackasisinite kekocie si saieji-migonite; 4^o ot iji kikaamasan kitci apiteipanite ij osiasinite, saksing kitci ijanite kiki gaie o teitcagocan.

Asiak sa mino kominisidjin, anin dac ke to-tang o teitcagocing inakak?

Asiak sa mino kominisidjin, kata mitonenindizo pinama kitci eka keko maianatatinik tagosinik o teing, ta songa ansenindizo, kasin memandjic maianatatinik o ka kikickansin, kata mino kopese-si, songa o ka taneniman Jezosan epinidjin Kitcit-sa Ostisining: o ka pejikseniman kitci sakiate; ka asian o ka cingenimasisan.

Asiak sa mino kominisidjin, anin dac ke to-tang si iasing inakak?

Apine gote ij abita tibikatinik aksi kasin keko o ka midjisin, ka gaie ta miniksesi; kasin gote anote kata pimi inabisi ij asi aiamiate. Kasin onieicinsinon onzam kotakikonaiete onzam gaie sasekakonaiete.

Anin ket inenindang asia kekat caie kitci komi-nisic?

Ta inenindam: keget api Jezos Kiteitsa Ostisining; ta mamakatenindam epite kijesatisinite Jezosan ij inenindaminate: ninga sitapimak anicinabek. Ta aiangsamenindizo, ta mitonenindam kakina inikik ka patatogobanen; minasate aiagsita o ka sasejiton kitci ansenindizote, midac aŋiandj asacamenj kitci songenindang. Enigokoteete o ka sakian Jezosan kitci tipaiganate.

Nabosen eji nabosenanisang sa kominisinani-sangin.

"O Jezos tebenimin! ij anasi eka sabamisinosan, enosek songa kit indanenimin Kiteitsa Ostisining; oom ki kiteitsa ki ias ka acitaksaikatek teipaiatikong, oom ki kiteitsa ki misksi ka siginamasiang apite sa nisigon, keget ate Kiteitsa Ostisining. Songa ni manadjiton ki ias, ki misksi.

O Jezos Kejemanitosian! ki kiteitsa manadjiin. Enabigis, songenindan nind aiamie tepsetamosin nananj kitci nipoian kakik kitci aiangsamenindaman.

O Jezos Kejemanitosian! ksatisian ke pindikasiän nindeing; ningototon ikitoiän, tec isa gote o^o ka nodjimoigon ni teitcagoc. (*Nisin oom ta ikitonanisan.*)

O Jezos! keget ni nicisanatenindam gaie ni kksanisakenindamickagon inikik ka iji ansetonan i ki patatiän. Keget nind ansenindis enigokoteeian. Epite cingenindamasian ka pi aindian nind apite cingenindan. O Jezos kejesatisin! migsetc iki sanisiton ni matci inatisisin. Kiepin keiabate kekon kikickaman ij anasi ki kopesesian, enabigis sanisitamasicin teipsa maci nanzikonan. Apiteci ni gotan kitci sanadjiitoian ki kiteitsa ki ias. Tanasak ki misksing kisisibac ni teitcagoc. Kin ka pi kasiaman patatosin, enabigis kasiamasicin kakina ka pi aindian.

O Jezos saiakiigosin! ondjita nind apenimon ki ias; epite mikasenindaman ki kijesatisisin, kit inenimin: Jezos o kat oniciciton ninde, o ka piskanenindan, o ka tibenindan nongom gaie kakik gaie dac kakikekamik.

O Jezos saiakiigosin! ondjita ki sakiin, ni misa-senindam kitei sakiinan enigokoteeian. Kasin keko nind apite sakitosin epite sakiinan; epite sakitoian pimatisisin gaie epite sakiitizoian, ondjita asacamenj ki sakiin. Kekona ki sakiiksa kakina anicinabek. Epitcian ki si sakiin ket ako pimatisian gaie nind apenimon kakikekamik kitei iji sakiinan. Ondas, ksenate Jezos, ondjita ki misa-senimin kitei pi otapinasian nindeing; pi acotinicin ki teing kitei pejksenindagsak ki te gaie ninde. O Jezos! pi nagatasenindan ninde nongom gaie kakik gaie dac kakikekamik. O Mani! papaganasenimicin ket apite apitasite Jezos.

Anin dac minasate ke totang asia ki pasiksite kitei asi kominisite?

Kata asi sesenint mino nipaksi teik kominatik pipakiseianens o ka tesiginan kitei cakamonigote Mekatesikonaienidjin Kiteitsa Ostisinin, memandjic kata tetakikseni, mitei kata inabi, pangi kata tasan, pangi gaie kata sakitenaniseni. Mi dac ki cakamoninte Kiteitsa Ostisinin, kata sipotoneni, kata nasakikseni, kata siksadjito pakikate kitei konate sibate ibsa maci ninganemate otoning. Kiepin akokinite Kiteitsa Ostisinin o nagaskong, ta siksadjito pekate kitei paksatanemate, o tenan o kat aion, kasin sikat o ka si aiosinan o nindjin.

Anin dac minasate ke totang asiak caie ki icksa kominisite?

Ki icksa kominisite, apite ke pasiksinanisang, mamasi gaie sin ta pasiksi kitei asi nipaksite koki, midac kitei sesenint mamoiasamate Jezosan ka pindikagodjin o teing; minoagac kata aiamie, memandjic kinoenj ka kata sikosi.

*Nabosen eji nabosenanisang eeksa kominisi-
nanisangin.*

“O Jezos tebenimin! kaiazoian Kiteitsa Ostisi-
ning nin ondji, enigokoteeian ki manadjiin: kin
ma ki ki kijenim gaie ki ki kijitama8 kakina ini-
kik eji tanian, gaie dac ki maia tibenindan ni ias;
mi sendji manadjiinan. Ki manadjiin ij apitasin
nindeing. O keteitsa niso pejikon! ki manadjiin
ij otapinasian nindeing. Epite casenindagosian,
nind apitag Kije Manito neso pejikote.

O Jezos tebenimin! ksenate endian ondjita
apitei saiakiigosin. Enigokoteeian kitei sakiinan
saseienindamasicin ninde, mijicin ondjita kitei
piskanek; pinaamasicin oom kitei sakiisesin kitei
iji sakiinan eji sakiiksa saksing endanakidjik kakik
kitei sidjiteamasagsa. Apitei acotenimicin ki
teing ondjita kakik kitei sakiinan, songiteeckasicin
enigokomitonenindjiganian, enigokoteicagocian,
epiteian kitei pejikseniminan, gaie kin ondji kitei
ondji sakiagsa kakina anicinabek.

Jezos ksenate nose, ki mamoiasamin iki pindi-
kasian ni iasing. Epite sakiin, ki misksi ki sigi-
namasinaban apite nesigon teipaiatikong, nongom
dac ni teiteagoc ki pi acama. Megsate ij apitasin
ki pakitinamon ni ias gaie ni teiteagoc gaie dac
ket ani aindosanen. Ksatisian ke teb mamoiasa-
minan inikik ka mino totasin. Enosek ket ako
pimatisian, ninga mamoiasakenindan ki casenindji-
kesin iki pindikasian; Jezos nose, ka sikat ninga
sanenindansin kit agsacingesin.

O Jezos! epite mamanda gackiton, kit apitas
nindeing; ondjita isi casenimin, ki pi mockinaton
ninde alamie oniciciisesin. Ka keko ki psanasi-

tosin gaie ki nita casenindjike, mi sendji song apenimoian ki ias, eji manesian ij osiiasian gaie ij otcitagocian kitei iji casenimin. Megsate ij apitaman ninde, oniciciton kin eji min8enindaman; sakidji8ebinan kakina cangenindama8ianin, meckot dae pinaamasicin aiamie oniciciisesin. Ateite ininamasicin paiatatotagemagakin. Ganasenimicin kakik kitei aiamie inatisian, kakik kitei pejiko tipaiganinan, mi dae ki sinbineminan ondaje aking, saksing meckot kitei site-minasasiminan.

O Jezos ondjita kejesatisin ! ka, enabigis, ki ga pakesinisinon. Ondjita ni pakitenindan iki pakekanasesaitizoian. Ondjita kakik ki si nos8aatenimin. Ka minasate ninga papamenindansinan kakina mejiisemagakin, matei mitonenindjigan, matei papinsesin, matei papijiitisin, paksanondisin, akasindisin. Songa ningat aiangsamenindanan, niton, ni ekinjikon, ni tasakan, ninde, ni mitonenindjigan, kakina ni ias. Kekona nonde nipoian tei psa maci nickiinan. O Jezos ! ki sabandan ejiteeian gaie eji kijenindaman; enabigis mackasenindamickasicin kitei ani tibisatsaian kakina enenimin. Kasikat ninga tipaigesinak metci manitosidjik, kin dae i pejikon Kije Manito nose, ninga tipaigen ki ias, casenimicin.

Ondjita na patatosak metci kominisidjik ?

Ondjita kije patatosak metci kominisidjik; o siiagitonasa Jezos si ias, songa o nickiasan Kije Maniton : eka ansenindizosigsa, ta animisisak kakike ickoteng anamakamikong.

Kitcit8a Okanisti8in,
Mi aam tibina8e n'os

| Jezos saiakihigositc,
| Eg8acimitc, Tebenimitc.

XIV. ICK8AIATC NOMINISÉSIN.—MEKATESIKONA-
IESIISÉSIN.—AIAMIE NIPASISIN.

Anin ejininisagak icksaiate nominisesin ?

Icksaiate nominisesin, manintsa ketci akosidjik
ot aiamie songiteeckagonasa gaie o nodjimoigonasa
naningotinon.

Anin ejininisagak Mekatesikonaiesiisesin ?

Mi eji minintsa Mekatesikonaiek kiteitsa onici-
ciisesin kitei anamensikesate gaie kitei gsaiak ki-
kinoamagesate.

Anin ejininisagak aiamie nipasisin ?

Mi eji minindsa aiamie nipasidjik kiteitsa onici-
ciisesin kitei sakiitisate gaie kitei mino nitasigia
sate o nidjanisiga aiamiesin ondji.

Kitci akosite asia,
Ta aiamie nomina

| Kitci songiteeckasinte,
| Kitci nodjimohintc gaie.

XV. KIJE MANITO OT IKITOSINAN.

Anin ke totamang, saksing si ijang ?

Saksing si ijang, ki ga tibisatsananan Kije Ma-
nito ot ikito-inan gaie dac Kiteitsa Ningot-esa-
nakisisin ot ikitosinan.

Anin endasininik Kije Manito ot ikito-inan ?

MitateininiSan Kije Manito ot ikito-inan, misa
onom :

1. Pejiko Kije Manito ondjita ki ga manadjia :
sin pejiko enigokoteen ki ga sakia.

2. Ka ceeksat ki ga sinasisa Kije Manito: ka gaie keko ceeksat ki ga sindansin kitei si ondji tepsetagon.

3. Kije Manito o kijikom ki ga manadjiton: ka gaie iim apite ningot ki gat inanokisi.

4. Ki nikiigok ki ga kiteitsasinak: kinoenj si pimatisin ondaje aking.

5. Ka asia ki ga nisasisa: ka gaie asia ki ga cingenimasisa.

6. Ka asia nicipijiksate-sidjisieken: ka ondjita nicipijiksatisiken.

7. Ka asia kimotimieken: ka gaie kekon asia mindjiminamasieken.

8. Tipakonikesining inakak kakik tepsen kekon ekitoianin: ka gaie sikat asia ki ga kinasiekimasisa.

9. Ka misasenindanken nicipijiksate-sitikendisin: gaie manatenindamosin ateiteininan.

10. Ka misasenindamasieken asia kekon endanidjin: kitei kimotimate.

Anin ke totamang kitei tibisatsang netamisininik Kije Manito ot ikitosin: "pejiko Kije Manito ondjita ki ga manadjia, sin pejiko enigokoteen ki ga sakia?"

Ki ga tibisataman iim netamising ikitosin, i tepsetasang Kije Manito, ij apenimong, i sakiang gaie gote i manadjiang.

Nabosatan tepsetamosini-nabosesin.

"Kije Manito, ki nita tepse, mi sendji kakina songa tepsetaman eji kikinoama-iiaminte Kiteitsa Ningotsesanakisisin, kin ma ki ki iji kikenindamona."

Nabosatan apenimogininabose8in.

“ Kije Manito, ka keko ki psanasitosin, ki nita caseninge, gaie iki iji sañ-indamasiang, mi sendji song apenimoiân kitei gsaiaksatisiân ondaje aking, gaie 8 k8ing kitei minasasiân.”

Nabosatan sakidjikesini-nabose8in.

“ Kije Manito, ondjita ki kiteitsa kakitasenin-dam. ondjita gaie ki sakiigos; mi sendji sakiinan enigokotecian, mi gaie sendji sakiaksa kakina anicinabek, nind iji sakiak eji sakiitizoian.”

Ij ininang Kije Manito : pejiko Kije Manito ondjita ki ga manadjia, *sin nangs na eta inenindagosi Kije Manito kitei ondjita manadjiente ?*

Keget isa sin eta Kije Manito inenindagosi kitei ondjita pejiko manadjiente iim ondji iki kijeniminang gaie i maia tibeniminang. Kitei pikinong dae sin kit iji manadjiananik Kiteitsa Mari gaie saksing menasasidjik; iim ondji i sakiigo-atc Kije Maniton sendji manadjiang8a.

Anin minasate eneniminang Kije Manito ij ininang : pejiko Kije Manito ondjita ki ga manadjia ?

Kit inenimigonan kitei ondjita cingenindamang kakina matei manitokazo inan, teisake in, mitegisin, matei magocesin, makatekesin, matei manito-nikamosin, matotosin, onoadjike-in, matei sasaki-idjigan, sejipabandamosin, gosabandamosin, anote manitoke in gaie anote matei makiki.

Tipahiganata Diio
Ka matei kijeniminang ;

Monjak papamita8ata,
Mi dae saksing tei saba-
mang.

XVI. KITCITSA NINGOTSESANAKISISIN.

Anin endusininih Kiteitsa Ningotsesanakisisin ot ikitosinan ?

Nijsateininisan, mi sa onom :

1. Kiteitsa kijikon ke manadjitaganisangin : ki ga manadjitonan.

2- Kije Manito Kijigak gaie kiteitsa kijigak : ki ga sidjise enamensikanisangin.

3. Seseint ki ga kopeses : kanake ningotin tasin ka ningopiponagakin.

4. Kiga kominis : tasin aiapiteipadjin.

5. Kiga kiigocim nimitana taso kon teibsamaci apiteipate : gaie tasin kaigocimonanisangin.

6. Ka midjiken sias teipaiatiko kijigak : ka gaie pakitandjike-kijigak.

7. Kekon netasigiton ki gat aiamie pakitiniken : endotamosate eiamiadjik.

Kit inenindagosimin na kitei papamitasang Kiteitsa Ningotsesanakisisin ?

Keget kit inenindagosimin kitei papamitasang Kiteitsa Ningotsesanakisisin ; sin ma Jezos ki ikitogoban : " asia eka pizindasasik Kiteitsa Ningotsesanakisisinan, eamiasingin ta inenindagosi."

Asenenak ikim sadjisedjik Kiteitsa Ningotsesanakisisining ?

Kakina enigoksakamiganik eiamiadjik teapaia-tikonamatizodjik tepaiganadjik Meia-aiamie-gana-sabinidjin, mi sa okom sadjisedjik Kiteitsa Ningotsesanakisisining.

Asenen ka kijiate Kiteitsa Ningotse-sanakisisinan ?

Jezos o ki kijian.

Asenen saiaseienindamiâte Kiteitsa Ningotse-sanakisisinan ?

Mino Manito o kakike saseienindamian kitei eka sikat sanicinsinik aiamiesining inakak.

Asenen meiaosekandasate Kiteitsa Ningotse-sanakisisinan ?

Rome ejinikatek otenas endaje Eiamie-ganasabite, mi iaam Meia-aiamie-ganasabaminang ; sin o maiaosekandasas Kiteitsa Ningotse-sanakisisinan.

Ta gackito na asia saksing kitei ijate eka tanisisik Kiteitsa Ningotse-sanakisisining ?

Ka ondjita ta gackitosi : i pake-inate Kiteitsa Ningotse-sanakisisinan, mi gote i pakeatote saksing enamoniik mikan.

Anin enenindagsak Protestant aiamiesin ?

Protestants enindjik o ki sanadjitonasa Jezosan ot aiamiesinini i sebinamosate nibina kekon ka iji kikinoamagenigobanen Jezosan ; ksatisisate aneinabek ke ki sasejitosate Jezos ot ijitsasin.

Ningotse-sanakisisin
Tepsetasik, pizindasik,

| Sakihik, papamitasik,
| Sekingin gote inenimik.

XVII. KIJE MANITO O SITOKAGESIN.

Ki gackitomin na kinasint tibinase kitei tibisatang eneniminang Kije Manito gaie Kiteitsa Ningotse-sanakisisin ?

Kasin napite ki gackitosimin kitei tiang enenin-
dosing eka sitokonang Kije Manito.

*Anin dac ke totamang kitei sitokonang Kije
Manito kitei aiamie-inatising?*

Ki ga tabasenindizomin i kikenindizong epite
pšanasitong epite gaie gitimagising ij otciteagocing.
Kije Manito o casenindjikesin ki gat apenimona-
nan gaie Jezos ot animisisinan ka iji gackidjike-
magatinik; songa ki ga pagosenimanan Kije Ma-
nito kitei gitimageniminang, monjak kitei papa-
sitokonang ningot endiangon.

*Oniciein na kitei apaiseng saksing menasasid-
jik o gaganotamagesinisa ij inenindamang: asa-
camenj ningat on lji casenimik Kije Manito, gaga-
notamasisate saksing menasasidjik.*

Apitei oniciein kitei apaiseng saksing menasa-
sidjik o gaganotamagesinisa; i gaganotamonangsa
asacamenj ki ga casenindamitagonan Kije Manito.

Eka sitoka8enimite
Ka mitci kijenimite,

| Ondjita ni p8ana8ito
| Tci mino inatisiân.

XVIII. AIAMIE-PAGOTENINDJIKESIN.

Anin ke tite asia sesenint kitei aiamiate?

O ka pagoseniman Kije Maniton kitei iji case-
nimigote; mi ma Kije-manito-sining sendjipama-
gak songa aiamiesin. Sesenint kata aiangsamenin-
dizo ket apite aiamiate. Caie si ani aiamiate o kat
eco-enindan o mitonenindjigan. Apite eiamiate,
kata inenindam; ni sabamik Kije Manito.

Endasing aiامية nabosesinan, sekonen asacamenj epitenindagsak?

Mi sa iim nabosesin ka ojitamonang Jezos.

NaboSatan Jezos o nabosesin.

"Senidjanisimiang, SakSing epian, kekona kit-citsasidjikatek kit ijinikazosin, kekona piteijamagak ki tibeningesin, kekona iji papamitagon aking engi saksing. Ni paksejiganiminan neningokijik eji manesiang mijicinam nongom ongajigak. Gaie iji sanisitamasicinam inikik neckiinang eji sanisitamasangite asia ka nickiiamindjin. Gaie kasin pakitenimicikangen kekon sa pacisinigoiangin; taiagsate ateite ininamasicinam maianatak. Kekona ki ingi."

Sekonen sendji pagosenimang ako Kiteitsa Mani?

Ki pagosenimanan ako Kiteitsa Mani, mi iim ondji, epite mamanda gackitote i gaganotamasate pegosenimigodjin.

Epenimong Jezos si ias mi na ket iji apenimong Mani si ias?

Epenimong Jezos si ias kasin kit iji apenimosinanan Mani si ias: pejiko eta egsaciminang mi aam Jezos, Kiteitsa Mani dae ki gaganotamagonan; o pakitinamaan Kije Maniton ki pagosenindjikesininan; ki sitokasenimigonan kitci casenindagosing.

Kitci pagoseniminte Kiteitsa Mani anin ket iji nabosenaniSang?

Nabosenanisan ako: "Kit anamikon, Mani, meeckineckagoian kiteitsa oniciciisesin; Kije Manito ki mamasiitim; kakina endateisate iksesak kin asacamenj ki kiteitsasinigo, gaie kiteitsasina Jezos ka anicinabesiitizote ki iasing. Kiteitsa Mani,

Kije Manito seksisisimate, gaganotamasicinam neta-patatiang nongom gaie si nipoiang, gagano-tamasicinam. Kekona ki ingi.

Anin endatcisate ka ojitodjik oom nabosesin?

Nisisak: Kiteitsa *Gabriel* ketcianjenisite, Kiteitsa Sabet gaie Kiteitsa Ningotsesanakisisin.

Andapite ka ojitcikatek nabosesin nindepsetasa?

Ibsa maci sisseitisagobanen ka papasidjisagobanenak Jezosan, pinama o ki ojitonasa oom nabosesin; mitateigsaban acite nij.

Nabosatan nindepsetasa.

Nindepsetasa Kije Manito Seksisisite, ka keko o psanasitosin, ka mitci kijenindang saksi gaie aki. Nindepsetasa Jezos-Krist Kije Manito o ksisisan i pejikonite, mi tebeniminang. O ki anicinabesiigon Mino Maniton, o ki nikinotagon Manin taiesanaksesinidjin; ki animisi, mi apite Pons-Pinatan okimasinigoban. Ki acitaksaiganisi tcipaiatikong, ki nipo gaie ki ningsaakana; ki nisandase anaming aking; nesokonagatinik ki apiteipa; saksing ki iji, acaie aiapi o kitei nikining Kije Maniton osan kakina netasitonidjin: saksing ondji o ka pi tipakona pematisinidji gaie ka niponidji. Nindepsetasa Mino Manito; Kiteitsa Ningotsesanakisisin mizimizi ki iji sissecka; aiamie sitokotatisak ciamiadjik, kasiikaten patatosinan, kata apiteipak anicinabek ijosiiasisate, gaie kata kakike pimatistik. Mi eji tepsetamân.

Kitei gsaiaakosen aking,
Mikaŝenim, pagosenim

| Ka mitci kijenimik,
| Sakih enigokotchen.

XIX. KAKIDJII8E-CASENINDJIKESIN.

Anin endotang Kitcitsa Ningotsesanakisisin i si sidjiatc o niljanisa kitci kakidjianite Kije Maniton ?

O pakitinamasa *kakidjiise-casenindjikesin*.

Andi sendjising kakidjiise-casenindjikesin ?

Kakidjiise-casenindjikesin ondjisin i ki anisise-nik Jezos ot animisi-inan kitci ki agsaciminang gaie dae iki auisisenik eiamie-kiteitsasisidjik o nanekateitizoginisan.

Anin endussaiaagak kakidjiise-casenindjikesin ?

Nij-aiagat: kitci kakidjiise-casenindjikesin gaie kakidjiise-casenindjikesinens.

Anin ejininiagak kitci kakidjiise-casenindjikesin ?

Geekitote kitci kakidjiise-casenindjikesin ot apitei kakizoman Kije Maniton; kiepin iji nipote tee igote saksing ta iji.

Anin ejininiagak kakidjiise-casenindjikesinens ?

Geekitote kakidjiise-casenindjikesinens keiabate nondesen i kitci teb kakizomapan Kije Maniton.

Anin ke totang asia kitci gackitote kakidjiise casenindjikesin ?

O ka tibisatsan inikik enenindaminite Meia aiamie-ganasabinidjin.

Ningot8esanakisisin
O casenindjikesinan

| sik8adjiton tei gackiton,
| Diio kitci kakidjihate.

XX. AIAMIE-NABOSESINAN.

Anin ke totang asia kseckosidjin kikiheb ?

Kata teipaiatikonamatizo, tanite aiamie nipi o kat aion kitei teipaiatikokete, enigokotehete pekie ta ikito: ot ijinikazo-ining seksisisito gaie Sciosite gaie Mino Manito. Kekona ki ingi.

Anin dac ket iji nabosete ki sanickate ?

I nipaksite o ka nabosatan maia nabosesinan: Senidjanisimiang; Kit anamikon, Mani; Nindepsetasa; Ni sindamasa; Kije Manito n'ose; gaie dac nissi nabosesinensan o ka nabosatanan gaie, mi sa onom: Kije Manito, ki nita tepse; Kije Manito, ka keko; Kije Manito, ondjita.

Anin ket iji nabosenanisang ibsa maci sisininanisang ?

Mi oom ket iji nabosenanisang: Kije Manito, kakina kekon ka mitei kijenindaman, enabigis aiamitsatan ni ias gaie nongom ke midjiân i case-nindjikesiniacamian.

Anin ket iji nabosenanisang ki icksa sisininanisang ?

Ta iji nabosenanisan: Kije Manito, ki mamoiasamin kakina kekon ka iji casenimin gaie nongom ka inacamin kitei songinasickagoiân kakik kitei anokitonan. Kekona ki iji casenimâte Kije Manito nekase-kasiakizonidji kitei sanakinite.

Anin ket iji nabosatang asia acate enenindang ningat asi nipa ?

O ka nabosatanan kakina maia nabosesinan, nabosesinensan gaie. Kasieimote dac, sesenint

kata teipaiatikonamatizo, ta onieicin kitei nabosete :

Jezos egsacimiang, casenimicinam ; Mani senidjanisimiang, casenindamitasicinam ; Jozep genaseniimiang, gaganotamasicinam ka iji kiteitsa ningotonjanakisieg kitei iji ningotonjanakisiang. Jezos, Mani, Jozep, aiamitasicinam iepiming saksing kitei ijaiang ki nipoiang aking. Kekona ki ingi.

O Mani ! kin ka siakickagosisan patatosin apite seeki anicinabesian,—gaganotamasicinam naiadjinijiminang.

O Jezos ! kin ka minaigon sinzop gaie pinegan,—casenimicinam.

Jezos ij oteheian, inenimicin eekam eekam kitei sakihinan.

Sekonen nabosesinen ke nabosatek kopesendaganing ?

Nijinon, kopesesisininabosesin gaie ansenindizosininabosesin.

Nabosatan kopesesisininabosesin.

Ni sindamasa Kije Manito kakina netasitote, Kiteitsa Mani kakik taiesanakesite, Kiteitsa Miceen Keteianjenisite, Kiteitsa Janbatist, Kiteitsa Pien gaie Pon Jezosan ka kitei mino anokitasagobanek, kakina saksing endadjik, (kin gaie, nose, ki sindamon) keget onzam ningi patat ka iji patamitonendaman, ka iji pataikitoian gaie ka iji patatotaman.—Nin nindindosin, nin nindindosin, nin ni kitei nindindosin ; mi sendji pagosenimagsa Kiteitsa Mani kakik taiesanakesite, Kiteitsa Miceen Keteianjenisite, Kiteitsa Janbatist, Kiteitsa Pien gaie Pon Jezosan ka kitei mino anokitasagobanek, kakina saksing endadjik kitei gaganotamasisate, (kin gaie, nose, gaganotamasicin.

Nabozatan an8enindizosininabos8esin.

Kije Manito nose, p. 25.

Anin ket iji nabosenanisan8 tsatok8es8esingin ?

Ta iji nabosenanisan : “ Kije Manito ot Anjeniman ki sindamag goban Mani kitei onidjanisite. — Mino Manito ki masandonamogoban Mani o misksi kitei kijitote Jezos siias. — Kit anamikon...

Nind anotaganiksemik Kije Manito. — Ekiton, mi ke 8i tiân. — Kit.....

Ki o-sias-iitizo Kije Manito o Ksisisan. — Keget ki ki sitetanakimigonan. — Kit.....

Kiteitsa Mani, Kije Manito seksisisimate, gaga-notamasicinam.

Kitei gackitamasiang ka iji sañsindamag gobanen Jezos.

AIAMIATA.

Ki kiteitsa oniciciis8esin, enabigis, Tebenimiang, pinaamasicinam ni teiteagocinang ; kit anonaban kit Anjenim kitei sindamagete, mi sendji ki kike-nindamang iki anicinabesiitizote ki ksisis ; inenimicinam iki animisite gaie iki nipote teipaiatikong kitei ondji kiteitsa-apiteipaiang iji casenimicinam Jezos ondji. Kekona ki ingi.”

Aiamie nabo8e8in	Aiamie nabo8eiân,
Ni teiteagoc o midjimim ;	Ni teiteagoc nind acama.

ECK8A KIKINOAMATINANI8ANG.

Acaie ni 8i nib8aka, songa ni 8i an8enindis,
Songa ni 8i aiamia ket ako pimatisiân.

Kin Diio neso pejikon, ki tep8eton, ki sakihin,
Mig8etc ka mino tota8in, ni ia8 ki pakitinamon.

Jezos ka iagSacimiang,
 Songa ki mamoiāSamin,
 Kakik ki 8i papamiton,
 Nindeh ondjita ki minin.

Kakina 8ak8ing epieg,
 Song gaganotama8icik
 Aking tei g8aiakoseiān
 Mi dac 8ak8ing tei ijaiān.

O Mani k8enate ninginan! gaganotama8icinam
 Meg8ate i pimatisiāng gale 8i ani nipoīāng.

Jezos kakik sakihata, Jezos kakik nakomata,
 Kakik tipahiganata, kakik papamita8ata.



DIVERS CANTIQUES ET PSAUMES.

O MARIE!

K8enate Mani,
 Kin 8enidjanisimiāng,
 K8enate Mani,
 Ki nipak8itonimin,
 Songa, songa
 Pegoseniminang,
 Ca8enimicinam. (2)

K8enate Mani
 Kin taiesanak8e8iān,
 K8enate Mani
 Epitc pinatisiān
 Pagosenim,
 Pagosenim Jezos
 Tei pinatisiāng. (2)

K8enate Mani
 Tebasenindisoianbān,
 K8enate Mani
 Pi 8itoka8icinam
 Monjak kitci
 Manenindizoiāng
 Neta patatiāng. (2)

K8enate Mani
 Ketci animisiānbān,
 K8enate Mani
 Ij animisiāngin,
 Enabigis,
 Nandotama8inam
 Pekatcitee8in. (2)

K8enate Mani
 Ketci sakiāte ki k8isis,
 K8enate Mani
 Aiamitawicinam
 Songa kitci
 Sakiāngitc Jezos
 Ket ako neseciāng. (2)

K8enate Mani
 Nongom gale 8i nipoīāng
 K8enate Mani
 Ganotama8icinam :
 Ce8eningen,
 Inenimicinam
 Tei mino nipoīāng. (2)

MAMAN, JE VIENS A TOI.

Ninge, ki nansikon,
Ki ia8 nind apenimon :
Ka8in an8eta8iciken
8a pagoseniminan.

Ni nidjanis, ki minoton
8ekingin epitenimin ;
Ang8amisin, ki ga minin
Nongom pa nandotama8in.

Ninge, ki kikenim
Eji kotakitoiân ;
P8ana8itomagat nindeh
Kitci aiamiaiân.

Ni nidjanis, ang8amisin,
Ka8ikat cag8enimoken ;
Nin, ki ga gaganotamon
Kitci ca8enimik Jezos.

Mig8etc, mig8etc, ninge,
Ki g8ina8i nakomin

Epitc nita ca8enimin
Nin neta patatiân.

Kicpin tabasenindizon,
Kakik ki ga ca8enimin,
Kakik 8enidjanisingin
Ki ga toton, ni nidjanis.

Tci sakihak Jezos,
Ninge, inenimicin.
Jezos kekona sakihak
Enigokoteheiân !

Eji misa8enindamän
Kata ino, ni nidjanis :
8idji8en Jezos o tehing
I mama8andjihiti8atc.

Oh, mi ke 8i tiiân,
O Mani 8ekiminan !
Kekona sakihintc Jezos
Enigok8akamigak !

RARE BEAUTÉ, PERLE SANS PRIX.

Mani-Maganit Anakok
8ecki kitcit8a8enindagosin ;
Ki ki totâg nanomaie
Meia-aïamie-gana8abite :
Nongom kit inda gaie kin
Endatci8atc ketcit8a8isidjik.

Song kit anamikonimin,
Ki 8i kitcit8a8eniminimin ;
Mig8etc nind inenimanan
Meia-aïamie-gana8abite
I ki na8anja8enimik
Aking kitci kitcit8a8ihigon.

• Jezos song ki sakihaban,
 Sin Jezos ki pejik8enimaban,
 Aiapite ki 8abamaban,
 O teh ki 8abandahigoban,
 I8iban : mi oom o teh
 Ketci sakihâte anicinabè.

Ketci ca8enindagosin,
 Ki nansikonimin ; enabigis,
 Gaganotama8icinam
 Jezos songa kitci sakihangite,
 Kitci pejik8enimangite,
 Kakik kitci tipahiganangite.

I.

Kakina endas8aiagak kekinohamagong aiamie8i-
 ning, * mi a8acamenj ketci animak kitci apitei taneni-
 mang Jezos Okanisti8ining.

Kasin memandjie anSetansita eji kikinohamagong, *
 ket na kekon o p8ana8iton Kije Manito ?

Songa tanenimata Jezos Osti8ining, * ij ana8i eka
 napite 8abamasi8ang.

8aiabamangon kiteit8a Osti8in, ondjita ana8i pak8e-
 jiganing ijinagosi ; * ka dae eno8ek pak8ejigani8isi.

K8edjip8angon gaie, pak8ejiganing gote ipogosi, *
 ka sa eno8ek pak8ejigani8isi.

Gaie menamangon, pak8ejiganing gote ijinagosi, *
 ka sa ana8i pak8ejigani8isi.

Apitei angotaganisi pak8ejiganiban, * mi eta pak8e-
 jiganing anica enabaminagosite kiteit8a Osti8in.

Anam ati ejinagosite pak8ejiganensiban * kazohitizo
 Jezos i Kije Manito8ite gaie ij anicinabe8ite.

Paksana tanenimang, songa gaie sakihang, * 8ak8ing
 meekot kakikekamik micie ki ga 8abamanan.

Kekona kiteit8asininte 8ek8isisite gaie 8eiosite, *
 gaie Mino Manito.

Epite kiteit8asina8indibanen kaiat, kekona ingi non-
 gom gaie kakik, * mi dae kakikekamik. Kekona ki
 ingi.

II.

Mamoia8amata Kije Manito ka kitci ca8eniminang *
i kikenindamoninang aiamie8in.

8in eta ondjita tipahiganata, * 8in eta icpenimata.

Ningot endiangon mika8enimata, * kekon menesian-
gon pagosenimata.

Apitci gitimagasing endo8ate eiamiasigok, * anote
kekon o manadjitona8a.

Epite pizinatisi8ate, kekon 8ejipabandamo8adjin *
mi oom 8endji pimatisiân, inenindamok.

Ka8in napite gotanenindagosisik menitokazodjik *
anica, ondjita anica manitokazo8ak.

Kicpin a8ia songa aiamiâte, * ka8in ningot o ta ki
totagosi menitokazonidji.

Ondjita kina8iekik menitokazodjik * ij ikito8ate:
nind indanin k8enate mackiki.

Keget tani8apan k8enate mackiki kitci nisind8a a8e-
sinsak * 8ina8a a8acamenj o ta nisa8a a8esinsa.

Ka8in ta kotakitosik eji kotakito8ate * ka8in ta
kotakikonaiesik eji kotakikonaie8ate.

Tani8apan gaie mackiki kitci sakihitinani8ang, *
k8aiak o ta aiona8a kitci pon cingenimind8a.

Pejik8an eta k8enate mackiki kitci sakihigosinani-
8ang, * mi 8a nib8aka8in.

Enenindamo8eg8en ninga sakihigo, nib8akak, mino
inatisik, * k8aiak ki ga sakihigom, ki ga min8enimigom.

Ki ga sakihigo8ak kitcanicinabe8ak, * ki ga sakihigo-
8a Kije Manito.

Pekate 8aki ki gat inenindâm ondaje aking, * 8a-
k8ing dac kakikekamik ki ga modjikenindâm.

III.

Ceck8at gotc ta miki8amikeban a8iia, * eka ani 8i-
toka8enimigotc Kije Maniton ij ani miki8amiketc.

Ceck8at a8iia o ta ki gana8enindan otana8, * eka 8in
tibina8e Kije Manito gana8enindansik.

Ceck8at a8iia ta kitikegoban, * eka Kije Manito nita-
8igitosik kitikan.

Ceck8at a8iia ta ki nodjkikonsike, * eka pakitenimasik Kije Manito kikonsan.

Ceck8at a8iia ta nandomik8egoban, * eka 8itoka8enimigosik Kije Maniton kitci mikomik8etc.

Ka8in napite ki ta ki abadjitosinanan kit inanoki8ininan, * eka 8itoka8eniminang Kije Manito.

Ka8in a8iia apenimosi8ite 8i ia8; * mi eta Kije Manito ket apenimonani8ite.

A8iia 8itoka8enimigote Kije Maniton, ningot enanoki8in, * apitei o mino abadjiton ot inanoki8in.

Ningot enanokiangan, pagosenimata Tebeningetc kitci 8itoka8eniminang, * eckam eckam ki ga pakin8agemin Kije Manitonang inakak.

IV.

Teisa8akenindamo8in apitei gotanenindag8at, * apitei cingenindag8at.

Teisa8akenindamo8ining 8endji ki 8ebimigote Adañ Matei Maniton, * mi gaie 8endji mikockadjihinang Matei Manito kakina enicinabe8ing.

Teisa8akenindamo8in o ki paci8inigon Kaeñ, * mi ka ondji nisâte tibina8e o cimenjan, Aben ijinikazonigoban.

Teisa8akenindamo8ining 8endji ki ata8ani8ite Jozep ena8indibanen, * tibina8e gotc Sikanisà o ki totagò.

Teisa8akenindamo8ining 8endji ki patato8ate Kore Datañ, Abiroñ gaie * mi ka ondji kaketin pasankehogo8ate Kije Maniton.

Kalasikate ki kota8akamikisek, tackakamikisenigoban aki, * mi dac tec igote kiki nodjim i pindikese8agobanen anamakamikong.

Teisa8akenindamo8ining 8endji ki nisa8ate Jezosan Joda8inini8ak, * mi ka ondji aina8agobanen Pinatan : acitak8a8 teipaiatikong.

Teisa8akenindi8ining ondji kijiomagat anote maianatak * pak8anonge8in, kikandi8in, mikati8in, nisiti8in.

Songa pagosenimata Tebeniminang kitci eka 8ikat teisa8akenimasi8ang a8iia, * kitci iji ca8eniminang monjak pagosenimata.

HEUREUX ENFANT, RÉJOUIS-TOI.

Ebinotcenjici8ieg,
Modjikenindamok :
Acaie ma kekat
Kitci otisinag
Jezos Eg8acingetc.

Ebinotcenjici8ieg,
Tabasenindamok,
Ainenindamok :
K8atisiân na nin
Kitci pindika8ite.

Ebinotcenjici8ieg,
Makatenindamok
Ejinini8agak
Okanisti8ining,
Songa tep8etamok.

Ebinotcenjici8ieg,
Misa8enindamok
Tei komini8ieg,
Kitci pindikonag,
Kitci apitonag.

Ebinotcenjici8ieg,
Song mamoi8amik
8a ca8eniminag,
Songa manadjihik
8a ma8atisinag.

Ebinotcenjici8ieg,
Song pagosenimik,
Nanengim ainik :
Jezos tebenimin,
Onicicihicin.

Ebinotcenjici8ieg,
Pakitinama8ik
Ki teitecagoci8a,
Minik ki tehi8a,
Ondjita sakihik.

Ebinotcenjici8ieg,
Kikina8abamik
Osti8ining epite :
Ejitehetc Jezos
Ki ta ijitehem.

RIJO BI LA DARINELLA.

Kitcit8a8enindagosik
Mekate8ikonaiedjik :
Kitcit8a8atini8an ma
Einenindagosi8ate.

Kitcit8a8enindagosik
I kopesendamage8ate :
8in ma tibina8e Diion
O nabicka8a8an apite.

Enamensike8ate gaie
Kitcit8a8enindagosik :
8in tibina8e Jezosan
Keget ot inota8a8an.

Tasin dac kekik8e8adjin,
Kije Manito tanasak
Ki mat8e ganonigonan,
Ki kikinohamagonan.

Kakicit8a8enimatak
Mekate8ikonaiedjik ;
Monjak papamita8atak,
Mi eneniminang Diio.

Kije Manito8i8ining
I nisi8ate tetabickote
Ape kicit8a8inind8a
Nongom aking engi 8a-
k8ing.

MON CŒUR AIME JÉSUS.


Niñ deh, sakih Jezos,
 Sakihigosi sa,
 Sakihis8e gaie :
 Niñ deh, sakih Jezos.


Jezos ij otehite,
 Makatenim, niñ deh ;
 Kikina8eienim
 Jezos ij otehite.

Pinitehe Jezos,
 Tabasenindizo,
 Niñ deh, kijikabam
 Ejitehetc Jezos.

O Mani niñ ginan !
 Ca8enimicinam
 Jezos ki nidjanis
 Kitci sakihangite.

Rev. Ignatius Tomassin
Rev. Father Mission
Minnesota





AYER

Nipissing

*

- 1 -

AYER

*421

N595

C33

1865

Ayer 7901

